



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

«29» մարտի 2023թ.
No 1047

ԱՆՀԱՏ ՁԵՌՆԱՐԿԱՏԵՐ ՎԱՇԵ ՄԱՐՏԻՐՈՍՅԱՆԻՆ

/ՀՎՀՀ 40074309/

Էլ. Փոստ vahe1975@mail.ru

Հարգելի պարոն Մարտիրոսյան

Ձեզ է տրամադրվում ՀՀ Պետական Եկամուտների Կոմիտեի նախագահի 28.03.2023 թվականի երրորդ անձից (այդ թվում պետական մարմնից) ստացված կամ օպերատիվ-հետախուզական գործողությունների արդյունքում ձեռք բերված տեղեկությունների հիման վրա անձանց ընդհանուր տնտեսական շահերից ելնելով համաձայնեցված գործելու հիմքով փոխկապակցված ճանաչելու մասին N 624-2 որոշումը:

Առդիր 2 (երկու) թերթ:

ՀՀ ՊԵԿ ՀՎՍՎ ՍՊԱՍԱՐԿՄԱՆ
ԹԻՎ 3 (ԿԵՆՏՐՈՆ) ԲԱԺՆԻ ՊԵՏ



ԻՆՆԱ ՀԱՆՈՒՄՅԱՆ

Կատարող՝ ՀՎՍՎ թիվ 3 բաժնի
Գլխավոր ի/տ Արմինե Կիրակոսյան, Հեռ. 010304285 (4281)



ՀՀ ՊԵՏԱԿԱՆ
ԵԿԱՄՈՒՏՆԵՐԻ
ԿՈՄԻՏԵ

0010, Երևան, Դեղատան 3 Հեռ. +374 11 54 42 87
Կայք՝ www.petekamutner.am Էլ. փոստ՝ kentron@taxservice.am



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ՆԱԽԱԳԱՀ

**ԵՐՐՈՐԴ ԱՆՁԻՑ (ԱՅԴ ԹՎՈՒՄ՝ ՊԵՏԱԿԱՆ ՄԱՐՄՆԻՑ) ՍՏԱՑՎԱԾ ԿԱՄ
ՕՊԵՐԱՏԻՎ-ՀԵՏԱԽՈՒՋԱԿԱՆ ԳՈՐԾՈՂՈՒԹՅՈՒՆՆԵՐԻ ԱՐԴՅՈՒՆՔՈՒՄ
ՁԵՌՔ ԲԵՐՎԱԾ ՏԵՂԵԿՈՒԹՅՈՒՆՆԵՐԻ ՀԻՄԱՆ ՎՐԱ ԱՆՁԱՆՑ ԸՆԴՀԱՆՈՒՐ
ՏՆՏԵՍԱԿԱՆ ՇԱՀԵՐԻՑ ԵԼՆԵԼՈՎ ՀԱՄԱՁԱՅՆԵՑՎԱԾ ԳՈՐԾԵԼՈՒ ՀԻՄՔՈՎ
ՓՈԽԿԱՊԱԿՑՎԱԾ ՃԱՆԱՉԵԼՈՒ ՄԱՍԻՆ**

Ո Ր Ո Շ ՈՒ Մ N 624-2

«28» մարտի 2023թ.

ք.Երևան

ՀՀ պետական եկամուտների կոմիտեի նախագահի պաշտոնակատար Արտյոմ Սմբատյանս, ուսումնասիրելով երրորդ անձից (այդ թվում՝ պետական մարմնից) ստացված կամ օպերատիվ-հետախուզական գործողությունների արդյունքում ձեռք բերված տեղեկությունները՝

Պ Ա Ր Զ Ե Ց Ի

ՀՀ ՊԵԿ հետաքննության և օպերատիվ հետախուզության վարչության ոլորտային թիվ 2 բաժնի աշխատակիցների կողմից ձեռնարկված օպերատիվ-հետախուզական միջոցառումների արդյունքում ձեռք են բերվել հետևյալ փաստական տվյալները.

«ԼԻՆԿ ՏՈՒՐ ԷՅՐ» ՍՊԸ-ն (ՀՎՀՀ 02630553) պետական գրանցում է ստացել 25.08.2014թ-ին, հաշվառված է ՀՎՍՎ թիվ 3 բաժնում: Ընկերության հիմնադիր-տնօրենն է հանդիսանում Դավիթ Մուրադյանը: «ԼԻՆԿ ՏՈՒՐ ԷՅՐ» ՍՊԸ-ն զբաղվում է ավիատոմսերի վաճառքով, ինչպես նաև տուրիստական փաթեթների կազմակերպման ծառայությունների մատուցմամբ, գործունեությունն իրականացնում է ք. Երևան, Նալբանդյան 21,1 և 23 հասցեներում, հանդիսանում է ԱԱՀ վճարող:

Ա/Ձ Մկրտիչ Ղուկասյանը (ՀՎՀՀ 20186452) պետական գրանցում է ստացել 23.08.2019թ., հաշվառված է ՀՎՍՎ թիվ 1 բաժնում: Ա/Ձ Մկրտիչ Ղուկասյանը զբաղվում է ծրագրային ապահովման և բաժանորդների ներգրավման ծառայությունների մատուցմամբ,

հանդիսանում է շրջանառության հարկ վճարող: 2022թ-ին 72.000.000 դրամ ընդհանուր արժեքով ծրագրային ապահովման ծառայություններ է մատուցել «ԼԻՆԿ ՏՈՒՐ ԷՅՐ» ՍՊԸ-ին, իսկ «ԶԻԷՆՍԻ-ԱԼՖԱ» ՓԲԸ-ին՝ 377.333 դրամ ընդհանուր արժեքով բաժանորդների ներգրավման ծառայություններ: Գործունեությունն իրականացրել է ք. Երևան, Նալբանդյան 21/1 և 23 հասցեներում: Ա/Ձ Մկրտիչ Ղուկասյանն այլ վարձու աշխատողներ չի ունեցել, էլեկտրոնային ստորագրությունը վավերացվում է Մկրտիչ Ղուկասյանի կողմից:

Ա/Ձ Վահե Մարտիրոսյանը (ՀՎՀՀ 40074309) պետական գրանցում է ստացել 06.10.2021թ-ին, հաշվառված է ՀՎՍՎ թիվ 3 բաժնում: 2022թ-ին հանդիսացել է շրջանառության հարկ վճարող: Ա/Ձ Վահե Մարտիրոսյանը զբաղվել է տնտեսական գործերի վարման, ապահովման և առաքման ծառայությունների մատուցմամբ, գործունեության հասցեն է ք. Երևան, Նալբանդյան 21/1 և 23, այլ վարձու աշխատողներ չի ունեցել: 2022թ-ի հուլիս ամսից 11.000.000 դրամ ընդհանուր արժեքով ծառայություններ է մատուցել բացառապես «ԼԻՆԿ ՏՈՒՐ ԷՅՐ» ՍՊԸ-ին: Ա/Ձ Վահե Մարտիրոսյանը 03.04.2017-31.05.2018թթ. հանդիսացել է «ՔԻԴՍ ԳՐՈՒՊ» ՍՊԸ-ի տնտեսվարը (ընկերության հիմնադիր-տնօրենն է հանդիսանում Դավիթ Մուրադյանի կինը՝ Անիչկա Զախարյանը), հանդիսանում է Դավիթ Մուրադյանի մտերիմ ընկերը: Էլեկտրոնային ստորագրությունը վավերացվում է Վահե Մարտիրոսյանի կողմից, 29.12.2022թ-ին ներկայացրել է հայտարարություն՝ 30.12.2022թ-ից գործունեությունը ժամանակավորապես դադարեցնելու վերաբերյալ:

Այսպիսով, ելնելով վերը շարադրվածից, ինչպես նաև օպերատիվ հետախուզական միջոցառումների արդյունքում ձեռք բերված տեղեկություններով պարզվել է, որ

- Ա/Ձ Մկրտիչ Ղուկասյանը 2022թ-ին ծրագրային ապահովման ծառայություններ է մատուցել բացառապես «ԼԻՆԿ ՏՈՒՐ ԷՅՐ» ՍՊԸ-ին՝ 72.000.000 դրամ ընդհանուր արժեքով.
- Ա/Ձ Մկրտիչ Ղուկասյանը գործունեությունն իրականացրել և ծրագրային ապահովման ծառայությունները մատուցել է՝ ք. Երևան Նալբանդյան 21/1 և 23 հասցեներում.
- Ա/Ձ Մկրտիչ Ղուկասյանի աշխատանքային գրաֆիկը սահմանվում և վերահսկվում է «ԼԻՆԿ ՏՈՒՐ ԷՅՐ» ՍՊԸ-ի տնօրենի կողմից.
- Մկրտիչ Ղուկասյանի դուստրը՝ Աննա Ղուկասյանը, 2018թ-ից աշխատում է «ԼԻՆԿ ՏՈՒՐ ԷՅՐ» ՍՊԸ-ում՝ որպես ավիատոմսեր վաճառող.

- Ա/Ձ Վահե Մարտիրոսյանի կողմից տնտեսական գործերի վարման, ապահովման և առաքման ծառայություններ մատուցվել են բացառապես «ԼԻՆԿ ՏՈՒՐ ԷՅՐ» ՍՊԸ-ին.
- Ա/Ձ Վահե Մարտիրոսյանը նախկինում հանդիսացել է «ՔԻԴՍ ԳՐՈՒԴ» ՍՊԸ-ի տնտեսվարը.
- Վահե Մարտիրոսյանը հանդիսանում է «ԼԻՆԿ ՏՈՒՐ ԷՅՐ» ՍՊԸ-ի տնօրեն՝ Դավիթ Մուրադյանի մտերիմ ընկերը.
- Ա/Ձ Վահե Մարտիրոսյանի աշխատանքային գրաֆիկը սահմանվում և վերահսկվում է «ԼԻՆԿ ՏՈՒՐ ԷՅՐ» ՍՊԸ-ի տնօրենի կողմից.
- Ա/Ձ Մկրտչ Ղուկասյանը և ա/ձ Վահե Մարտիրոսյանը «ԼԻՆԿ ՏՈՒՐ ԷՅՐ» ՍՊԸ-ի հետ փոխհամագործակցության արդյունքում ստացել են պետական գրանցում, արդյունքում՝ անհատ ձեռնարկատերերը շրջանառության հարկ վճարող և միկրոձեռնարկատիրության սուբյեկտ հանդիսանալով, «ԼԻՆԿ ՏՈՒՐ ԷՅՐ» ՍՊԸ-ին մատուցել են ծառայություններ, որոնց արժեքները որպես ծախս նվազեցվել են «ԼԻՆԿ ՏՈՒՐ ԷՅՐ» ՍՊԸ-ի համախառն եկամտից:

Հաշվի առնելով վերը նշված փաստական տվյալները և հանգամանքները, հիմք ընդունելով ՀՀ Հարկային օրենսգրքի 30-րդ հոդվածի 2-րդ մասի դրույթները, ինչպես նաև հաշվի առնելով ՀՀ կառավարության առընթեր պետական եկամուտների կոմիտեի նախագահի 15.02.2018թ-ի թիվ 65-Ն հրամանով հաստատված՝ երրորդ անձից (այդ թվում՝ պետական մարմնից) ստացված կամ օպերատիվ-հետախուզական գործողությունների արդյունքում ձեռք բերված տեղեկությունների հիման վրա կազմակերպություններին և (կամ) ֆիզիկական անձանց ընդհանուր տնտեսական շահերից ելնելով համաձայնեցված գործելու հիմքով փոխկապակցված ճանաչելու կարգի դրույթները, մասնավորապես վերը նշված կարգի 2-րդ կետի 3-րդ ենթակետը, միաժամանակ օպերատիվ-հետախուզական միջոցառումների արդյունքներով ստացված տեղեկություններով և ուսումնասիրություններով առկա են բավարար հիմքեր, որ «ԼԻՆԿ ՏՈՒՐ ԷՅՐ» ՍՊԸ-ն, անհատ ձեռնարկատերեր՝ Մկրտչ Ղուկասյանը և Վահե Մարտիրոսյանը գործել են ընդհանուր տնտեսական շահերից ելնելով համաձայնեցված և փոխկապակցված:

Հաշվի առնելով վերոգրյալը՝ գտնում եմ, որ առկա են բավարար հիմքեր «ԼԻՆԿ ՏՈՒՐ ԷՅՐ» ՍՊԸ-ն, անհատ ձեռնարկատերեր՝ Մկրտչ Ղուկասյանը և Վահե Մարտիրոսյանը ընդհանուր տնտեսական շահերից ելնելով համաձայնեցված գործելու հիմքով

փոխկապակցված ճանաչելու համար, ուստի, ղեկավարվելով ՀՀ Հարկային օրենսգրքի 30-րդ հոդվածի 2-րդ կետով և ՀՀ Կառավարությանն առընթեր պետական եկամուտների կոմիտեի նախագահի 2018թ. փետրվարի 15-ի թիվ 65-Ն հրամանով հաստատված կարգի 2-րդ կետի 3-րդ ենթակետով, ինչպես նաև նույն կարգի 3-րդ կետով

Ո Ր Ո Շ Ե Ց Ի

1. Ստորև նշված հարկ վճարողներին ճանաչել փոխկապակցված և ընդհանուր տնտեսական շահերից ելնելով համաձայնեցված գործող՝

N	Կազմակերպության անվանումը կամ անհատ ձեռնարկատիրոջ անունը, ազգանունը	Հարկ վճարողի հաշվառման համարը	Հարկ վճարողի սպասարկման բաժնի անվանումը
1	«ԼԻՆԿ ՏՈՒՐ ԷՅՐ» ՍՊԸ	02630553	ՀՎՍՎ թիվ 3 բաժին
2	Ա/Ձ ՄԿՐՏԻՉ ՂՈՒԿԱՍՅԱՆ	20186452	ՀՎՍՎ թիվ 1 բաժին
3	Ա/Ձ ՎԱՀԵ ՄԱՐՏԻՐՈՍՅԱՆ	40074309	ՀՎՍՎ թիվ 3 բաժին

1. Որոշումն ուժի մեջ է մտնում հարկ վճարողի կողմից այն ստանալու պահից:

 Recoverable Signature

X 
 ԱՐՏՅՈՄ ՍՄԲԱՏՅԱՆ

ՊԱՇՏՈՆԱԿԱՏԱՐ՝ Signed by: SMBATYAN ARTYOM 3210860416

ԱՐՏՅՈՄ ՍՄԲԱՏՅԱՆ